

18/
EXEMPLAR

Illius Diplomatis Regij;

Quo

INVICTISSIMUS MAGNÆ BRITANNIÆ
FRANCIÆ, HYBERNIÆ &c. REX

IACOBVS

AD

Regiam suam Majestatem, Serenissimi Electoris
Brandenburgici nupero secundum Legato,

Dn. ADOLPHO STEINGENIO

Equestris ordinis dignitatem; veraq;

Nobilitatis iura,

Additis

AD

Ejus insignia Gentilitia priora ROSÆ & CARDUO,
Clementissimè detulit.

Cui

Ex Recredentialibus literis subnexa Ea

quæ

Regia sua Majestas

AD

Serenissimum Electorem Brandenburgicum
hoc nomine quàm gratiosissimè perscripsit,




Anno M. DC. XX.



45.
6. 30.
624

IACOBUS Dei gratia Magnæ Britanniæ, Franciæ
et Hybernæ Rex, fidei Defensor &c. Serenissimis atq; Illu-
strissimis Principibus, Ducibus, Comitibus universisq; et
singulis quorum interest has nostras earumve legitimam
exemplar legere, Salutem.


 **T** S I VIRTUS ipsa sibi idonea sit merces, & infra
eam sit quicquid potest retribui; Principes ta-
men decet ubi-ubi eam invenerint magni fa-
cere, honorum præmijs bonorum virorum coronantes
merita; cæteros autem hac quasi illecebrâ invitantes ad
imitationis gloriam. Quo in genere cum erga subditos
præcipua nostra semper fuerit cura, quibus nunquā passi-
sumus sterilem coli virtutem: tum neque exteros, quos
perspecta nobis commendavit industria, aliquando ne-
gleximus. Et inter hos vir Nobilissimus & Magnificus
DN. ADOLPHUS STEINGENIUS Ictus Serenissimi
Electoris Brandenburgici Consiliarius, Ducatusq; Cli-
vensis &c. Cancellarius, tempore quidē postremus est,
sed qui benefactorum laude primis etiam palmam fa-
ciat ambiguum.

Quem ne quis temerè adlectum suspicetur in hono-
ratissimum ordinem Equestrem, in secundam hanc ejus
legationem meditatum honorē distulimus: quanquam

in priore, in quâ Collegam habuit Philippum Comitem
Solmensem, ita se gesserit ut frustra expectaretur majus
aliquod aut judicij aut pietatis documentum. Gratula-
tus ibi nobis de recens partâ Britannia Monarchiâ, Se-
renissimi Electoris Brâdenburgensis & Ducis Neobur-
gensis nomine; de Iure sui Principis & communi interim
utriusq; possessione Controversorum Ducatum (Cli-
viâ, Iuliâ & Bergarum &c.) tam graviter & solidè disse-
ruit, ut nos quoq; in Consensum & communionem ar-
morum volentes traxerit; & cum Galliarum Rege Hen-
rico III. pia memoria, patronos fecerit omnium, quæ
bini Principes in Tremopianâ transactione statuissent.
Nec minus in hac ipsâ, quâ jam defungitur legatione,
Equitis, & prudentia, cum de protogadis in-
ducijs inter Polonia & Suecia Reges, de Domini sui
Clementissimi Georgii Gallicani Electoris Brandenb.
investitura in Ducatu Borussia, de patria suæ incolumi-
tate exeuntibus sequente Mense Belgarum cum Hispano
inducijs, nobiscum ageret. Quibus expensis in publi-
cum illius viribus, fide, magnanimitate, consilio;
privatim vero suspectâ probatq; humanitate & acri-
moniâ judicij, ut & suis cõstet eximijs ingenijs honos
& rectè factis merces, utq; habeant quod speret qui ea-
dè sequentur vestigia. NOS PRO REGIA NOSTRA ET PRIN-
CIPALI POTESTATE, unde velut ex ubere et perenni fonte
minorum in Republica dignitatum rivi deducuntur D.

ADOL-

ADOLPHUM STEINGENIUM omnibus EQUESTRIIS ORDINIS
titulis & prerogativis, in patriam, de qua optimè meri-
tus est, ornatum remittimus: Iura NOBILITATIS in ipsum
hæredesq; ejus utriusq; sexus interminatâ serie cōferen-
tes: Nevé apud posteros beneficij hujus memoria ali-
quando obsolescat, gentilitijs ejus insignibus ROSAM
& CARDUUM addi jussimus de nostris.



Quod diplomate hoc nostro cunctis quorū interest
A 3 testatum

testatum facimus, siue ij sint Principes Nobilitatis patroni, siue Principibus subditi fautores, cultoresq; Virtutis. Rogantes ut quos Vir Nobilissimus D. *Adolphus Steingenus* benefactorum dictorumq; meritis apud nos titulos et privilegia consecutus est, ijs favente Orbis suffragio ubi et quamdiu vixerit, honorificè fruatur: Nec enim dubitamus, quin Serenissimus noster Cōsanguineus Elector Brandenburgicus ratum habiturus sit meritisimum sui Legati honorem, & contra quorumcunq; intra suas ditiones muniturus offensas. ACTUM in Regiâ nostrâ Theobaldinâ ultimo die Novembris Añ. M. DC. xx. præsentibus præter alios quamplurimos, Consanguineis nostris charissimis, Ludovico Duce Lenoxiæ, Georgio Marchione Buckinghamiæ, Iacobo Marchione Hamiltoniæ, Thoma Comite Kelliæ, Iacobo Vice Comite DonCastri, Roberto Nátonio Equite aurato Secretario nostro: quæ chirographo et sigillo nostro rata facimus.

IACOBUS R.


• Diplomati huic regio filo serico argentei & rubri coloris appensum est Sigillum Regni Britannicæ Magnum Cera viridi impressum.

Sequuntur

*Sequuntur nunc Ea quæ Regia Majestas, Ad Serenissimum
Electorem Brandenburgicum perscripsit
ex literis Recredentialibus excerpta.*

IACOBUS &c. Serenissime Princeps Consanguinee
& amice charissime &c. *Quæ interim visum est ad
proposita respondere, ea Legato Vestro Adolpho Steingenio,
cujus fidei V. Cels. meritò omnia permisit, credidimus referen-
da: quem nos secundà functum Legatione, spectataq; jam satis in
Vestris negotijs fidei et prudentiæ, dimittere non potuimus sine vir-
tutis honorario. Itaq; (quod mutue nostræ necessitudini datum
volumus) Virum benè meritū donavimus Nobilitate & Ordinis
Equestris privilegijs, persuasi curæ fore V. Cels. ministri sui
decus, ut illi honorificum maneat atq; perpetuum; ut sit pro pignore
quanti nos faciamus industrios V. Celsitud. cultores: quod ut
magis appareat, dati Diplomatis exemplar his
jussimus includi.*





EXURGAT DEUS DISSIPENTUR INIMICI *

POSUI DEUM
ADIUTCREM MEUM

NON NATURA SED POTESTATIS
ARTIS FERROX

